

# 法政大学学術機関リポジトリ

HOSEI UNIVERSITY REPOSITORY

PDF issue: 2024-07-28

0035 (上諭兼管戸部事務)

---

資鞏固。茲經各紳士到局領辦。省會各城外。並各屬  
邑聯鄉業。將各銜名移會巡防局司道。分給照會札  
諭矣。務將各按認辦鄉村縣外。趕緊前往剴切勸諭。  
首將此次奉

憲辦理聯鄉。係令各鄉自相保衛。並不抽調當差。開誠  
相告。會同該處紳耆。悉心籌議。認真辦理。勿致有名

無實。勿分此界彼疆。庶幾众志成城。人皆勁旅。近聞  
各鄉有情愿酌籌經費。訓練壯丁。深明大義。志切同  
仇。實堪喜尚。所有籌款。聽各鄉中舉選公正紳耆。自  
行經理。正副總辦幫辦。概不必干預其事。某鄉籌費  
若干。係作何項動支。練丁若干名。置用器械旂幟。若  
干件。着令某鄉紳耆。按月造報清冊。由正副總辦幫

辦送局轉移巡防局備查以歸核實又各鄉情形不一亟應因地制宜體察詳細如該鄉中伶仃小戶薄田歲入僅敷仰事俯育之資及孀婦守節孤子尚未成立即稍有腴田藉資養贍者俱不得與鄉中紳富一律勻捐務與各該處紳耆明白諭禁咸使聞知以示體恤而防勒派諸位正副總辦幫不憚勤勞分

行勸諭當漸有端緒務將各鄉墩現辦事宜各紳耆官銜姓名準此十日內造報清冊各鄉公議條約附入冊中送局並將各正副總辦幫辦自備資斧急公報効之處一并聲明以便移送以巡防局存記一俟各處辦理齊備報送到局當即移請巡防局司道遴派正印委員分赴各鄉並各屬縣稽查以昭慎重事

體緊要、責成重大、特此馳布、唯乞  
各位幫辦可也、  
留神、並祈知會

署漳州府馬珍稟

再稟者、正在繕稟間、接准

林提憲營官賴正修來函、稱

林文察提軍、已因與賊接仗、被賊八面包圍、攻心力竭、軍  
亡首隊、李世進及大營所部兵勇、同時陣亡甚多、現在顧  
叅將、惠副將、退紮江東橋一帶、兵力甚單、殊難支撐、林提  
憲印、經其送赴水提、曾憲行營投繳等語、

林提軍行營中軍賴正修稟

林提憲於本月初二晚傳令四更造飯五鼓出隊親統大隊督率許忠標等各軍進剿並派卑職固守江東橋至午刻勇報提憲與賊接仗被賊四面包圍瑞香亭營盤被賊冲破卑職聞之當晤顧飛熊會商飛召各鄉團練前赴救應逆象始退林提憲一軍尚未回來未知冲出何處

卑職現紮江東橋要口各統帶只有許忠標回營其餘各軍不知下落飛稟  
察核

奏為連城官軍進剿獲勝漳州軍官擊退朴營巨股  
現籌辦理情形恭摺馳奏仰祈

聖鑒事切劉典一軍前由連城進剿先勝後挫情形業經  
臣等馳奏在案署福建臬司王德榜抵汀後聞劉典  
一軍新挫率部疾趨連城時連城所轄朋口苔溪兩  
要隘已有賊踪出沒十一月二十八日王德榜會商

劉典分路進剿。王德榜率總兵蕭得龍等進苔溪。羣賊見官軍倏至，駭而奔。一股約有二千餘，甫退里許，復拚死回拒。王德榜飭各營分路進剿，斃賊四五百名。劉典飭叅將李耀南等，各率所部進朋口，亦殺賊百餘名。賊均向新泉遁去。十二月初十日，王德榜率各營進苔溪。劉典飭李耀南等進朋口，王德榜偵知新

泉之賊退至下豐南嶺一帶踞守。十二夜，密飭李運勝等出賊不意，分路掩擊，兩路皆從山岩取道。賊驚覺，狂噪而起。官軍擁入，將賊二壘攻破。時火箭所着烈焰飛騰，賊冒烟冲出，墜岩洞死者無數。奪獲旗幟鎗炮數百件，乃收隊而還。此劉典、王德榜二軍連城進剿獲勝之實在情形也。其黃少春一軍由同安馳

抵江東橋，擬移駐長秦縣。因高連升一軍進紮瑞香亭，踞漳城二十餘里。十二月初四日，黃少春移紮响水橋。高連升派各營列隊好景山一帶，城賊初伏不出。高連升率騎挑之，賊果蜂擁而至，騎賊數百，賊千餘，直冲返橋。官軍至橋邊，賊回拒，官軍奪擊，賊不能支，紛々而遁。十五夜，賊大股來扑黃少春營壘，黃少

春率部齊出，隔河環施鎗炮，斃死多名。高連升率部由响水橋夾擊，賊敗走。十七日，城賊復傾巢出東門，由响水橋向瑞香亭牽制。高連升各營黃少春飭各營靜以待之，賊直扑至前，俟其迫近，排炮轟之，斃賊數十名。賊拚死猛扑，高連升派錢桂仁等三營馳至。黃少春分路冲殺，賊勢不支，而高連升東路之師亦

已將賊擊敗追至矣。方見北門之賊分二路來犯。飭各營以待。持至未刻。高連升飭二營從响水橋以抄賊後。張志公一營從好景山夾擊賊。即墮窺。官軍乘勢追殺間。殿後悍賊數千拚死回拒。張志公率隊橫截。賊勢不支。敗至响水橋。遂紛々奪橋竄走。官兵向前痛擊。生擒二十餘名。斃賊數百名。落水掩斃者不

計其數。經高連升、黃少春二軍擊敗之。實在情形也。切維東南餘逆。全數竄入閩疆。約有四大股。李世賢、汪海洋、丁太洋、林正揚也。侍逆踞漳城。其分踞龍岩之偽來王、偽秦王及踞永定、南靖、雲霄之賊。皆其死黨。賊數約十餘萬。汪逆踞汀連、南靖上杭交界之南陽。賊數共一百八十五隊。每隊五百人。合計共九萬

有餘丁逆林逆出沒漳龍人數各約數萬而粵之嘉潮閩之剝漳汀龍永春等府州向稱匪盜淵藪此次從亂如歸者其數蓋不可得而知臣等以賊雖殘敗之餘而實皆漏誅劇寇粵東江西邊防愈固則賊之窺閩愈深將欲聚而殲旃非閩省厚集兵力不可現在主客各軍之可恃者規漳州則高連升一軍四千

六百餘人萬少春馬步三千餘規龍岩則康國器一軍三千人劉明珍所部一千五百人汀連一帶專剿汪逆者劉典一軍馬步八千餘王德榜一軍四千人王開琳老相一軍三千餘及汪宗棠親兵各營三千人而已以之分布數百里之間且防且剿兵力實形不足欲待廣為征調則閩省餉源早竭專哺本省兵

勇已括據萬分。即浙餉每月十四萬兩。如期如數。源  
源而來。每月已欠至萬餘兩。勢難勻撥。以濟新軍之  
餉。其鮑超一軍援閩。尚無定局。該軍所收降人最多。  
鮑超既謝軍事。駕馭尤非易。現擬別調勁旅。以供  
分撥。而籌餉無出。空費躊躇。計惟有就現在兵力。多  
方激勵。以漸收餉節。兵精之效。至汪逆所踞之南陽。

內夷外峻。賊數愈衆。掠食愈難。似難久踞。能將此股  
驅除。則兵力尚可勉敷。剿<sub>辦</sub>臣等惟當慎以圖之。此次  
黃少春所部劉得義邱萬順兩勇目。前經官軍追剿。  
窮感歸誠。經黃少春稟請收錄。立功贖罪。此次忽萌  
異志。覆載難容。黃少春自請嚴議。固屬咎無可辭。惟  
當逆謀甫露之先。該署提督即將城賊擊退。並追斬

從逆弁目多名尚與尋常失察者有間可否仰懇  
天恩免其置議理合恭摺由驛馳

奏伏乞

皇上聖鑒訓示施行再此摺係臣宗崇主稿合並陳明謹  
奏

附近漳城東路石碼地方與各鄉團合力圍攻伏查水提督  
臣曾玉明於十月初二日內渡已抵廈門當即飛咨統領水  
師亦由石碼繼進會合陸路兵勇相機兜剿其泉廈各處防  
守事宜興泉永道鄧廷枏署泉州府知府李慶霖督率地方  
文武及所選募兵勇會全團練紳士帶領聯丁扼要嚴防不  
至下窰唯據石碼通判馬珍稟報南靖縣於九月十三日即

被匪竄入與廣東大埔之聯界之平和縣相繼失陷前據林  
文察函報相同比時兵力實難分布自盼浙師及陵江各軍  
早抵閩疆以資堵勦除確查南靖平和兩縣文武實在下落  
另行叅辨外所有近日軍情及分路布置催兵前進緣由謹  
會全督臣左宗棠將軍臣英桂恭摺由驛六百里馳  
奏伏乞

偽幼天王洪福瑱口供